



CONVENIO DE COLABORACIÓN ENTRE A CONSELLERÍA DE CULTURA, LINGUA E XUVENTUDE PARA A REALIZACIÓN DUNHA ACTUACIÓN ARQUEOLÓXICA DE ESCAVACIÓN E CONSOLIDACIÓN NO CASTRO DE CASTROMAIOR, (PORTOMARÍN, LUGO)

MEMORIA TRANSPARENCIA

María del Carmen Martínez Ínsua, directora xeral de Patrimonio Cultural da consellería de Cultura, Lingua e Xuventude

DECLARA:

Que esta dirección xeral de Patrimonio Cultural formalizou co Concello de Portomarín o instrumento convenial arriba referido por un período de vixencia que abrangue dende a súa sinatura ata o 30 de outubro de 2025.

Que o instrumento convencional ten por obxecto:

Regular as bases de colaboración entre a Consellería de Cultura, Lingua e Xuventude da Xunta de Galicia e o Concello de Portomarín para a realización dunha actuación arqueolóxica de escavación e consolidación no Castro de Castromaior (Portomarín, Lugo), co obxectivo operativo de conservar o patrimonio cultural galego.

Que existe converxencia de intereses entre as entidades asinantes en orden á consecución do obxecto referido.

Que o instrumento convenial que se pretende asinar se fundamenta no seguinte:

O xacemento castrexo de Castromaior sitúase preto do lugar do mesmo nome, na parroquia de Santa María de Castromaior, no concello lucense de Portomarín.

Trátase dun poboado fortificado da Idade do Ferro datado entre o século V a.C. e o século I d.C, no que destaca a súa gran extensión, de máis de 4 hectáreas, así como a súa gran complexidade estrutural, con presenza de ata seis recintos, delimitados por murallas e fosos, unha croa e varios antecastros, ademais de amplos socalcos exteriores asociados, que dotan a todo o conxunto dunha gran monumentalidade.





A nivel de protección este sitio arqueolóxico ten a condición de ben catalogado do Patrimonio Cultural de Galicia en base ao artigo 30 da Lei 5/2016, do 4 de maio, do Patrimonio cultural de Galicia, xa que forma parte do catálogo de bens culturais do Plan Básico Autonómico aprobado polo Decreto 83/2018, de 26 de xullo (DOG núm. 162, do 27.08.2018) co GA27049013. Ademais, sitúase xusto a carón do Camiño Francés a Santiago de Compostela, ruta que ten a condición de ben de interese cultural e patrimonio da humanidade, feito que fai que o número de visitantes a este xacemento sexa bastante elevado, fundamentalmente peregrinos.

Tendo en conta os valores culturais que posúe o Castro de Castromaior, a Dirección Xeral do Patrimonio Cultural e o Concello de Portomarín consideran necesario realizar neste ano 2025 novos traballos arqueolóxicos de escavación, consolidación e acondicionamento para favorecer a súa posta en valor e tamén para afondar no coñecemento deste sitio arqueolóxico e así avanzar na súa investigación e caracterización.

Os traballos de campo serán dirixidos por un/ha arqueólogo/a que cumpra os requisitos esixidos polo Decreto 199/1997, do 10 de xullo, polo que se regula a actividade arqueolóxica na Comunidade Autónoma de Galicia.

Na realización das diferentes accións de difusión se fará constar a colaboración e financiamento da Consellería de Cultura, Lingua e Xuventude.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, ou doutro instrumento alleo á natureza estritamente convenial.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do convenio que se pretende, con exclusión doutras figuras.

E para que conste, asínase esta memoria

